

# KINNIAD EUR MIGNON

D'An Aotro CAMUS, Person neve Tremel

Deut'oun, aman, gant eur mignon,  
Joas ha trist, eo ma c'halon :  
Kenta kure a Lann-Huon  
Azo roet d'eoc'h da Person.

Aotro, poaniet c'heuz, pad pemp ploaz,  
Enn Lann-Huon, deuz ho gwellan.  
Kovez ha gwelet ar bevien  
Kæran enor, kæran loden!

Enn Lann-Huon c'hwi zo karet,  
Hep diskwizan c'heuz-labouret  
Ha gant Pasko ar vugale  
'Vid'hoc'h nag a bean noz-veure!

Mad oc'h bet vit ar glanvourien,  
Mad d'ho souten ha d'ho c'helen.  
Mad'vit ar c'horf hag ann ine  
Labouret c'heuz 'vit gloar Doue.

Enn Tremel a zo tud kristen  
Hag a gar kalz ho beleïen :  
Eur prespytoar kær deuz savet  
Kaër eo ho Ilis vinniget.

N'ho peret zo eur c'halvar gaër  
Neubut ken brao gwelet n'haller.  
Ze a diskwe feiz ho tado :  
C'hwi kenkerzo war ho roujo.

Aman zo kalz a vokedo,  
Hep mar n'ho mesk a zo piko :  
Mez lesen Doue zo c'heuillet  
Chwi vo bepret katoliket.

Aotro, kuitet, c'heuz Lann-Huon  
Ann oll ho kare a galon.  
Tud Tremel eunn dra a c'houlan  
•Karet ho Person, vel ma ran !

**ERVOAN HERNOT,**

Kizeller en Lann-Huon ha marc'hek deuz  
breuriez St-Gregoar.

Lannion, imp. Anger.